

FILIPHI NE

Paulom dis tçgãya sa

Filipi ne koe

Téé-cookg'ai sa

Kerekes Filipi koe hàna sa kò tc'ãà dis kerekes Yuropa koe hànas ga si i. Paulo ba kò ncêes tçgãya sa qáéèam hãa x'aè ka góá. C'êe ne dtcòm-kç'ao ne di ne tséé-kç'ao ne kò Paulo ba ntcoe, i kò tshúù-ntcõa di xgaa-xgaan hàna Filipi koe. Gatà i kò ii igabam kò Paulo kaisa qãè-tcaoan cgoa hêé naka tcoman ka hêéthêé góá - Jeso Krestem koe guua hãa dtcòmman cgoa.

Ncêes tçgãya sam góá hãa, Filipi di ne dtcòm-kç'ao nem gha qãè-tcaoa máá domka, ncêe ne kò êem ko hùian qaa x'aè ka tsééa máá mes abas domka. Me ko ncêem x'aè ba tséékagu a bîria cçáé-cçae ne, êeta ii zi qóm zi koem hãa igaba ne gha ghùì-ghui tcáósea hãa, a tcoman úúa hãa ka (tcee tsara tc'ãà di ba hêé naka 4 di ba hêéthêé di tsara koe).

Dtcàrà nem kò, gane dim tc'êe ba méém Jesom dim khama ii sa, ncêe kò cç'áré-cç'arese ba, naka nea gane ka c'êe ne, gane ka cçáése sèè (2 dim tceem koe)

Tc'êe-tc'êesekagu nem kò, gane dis kç'òès Krestem di sa abas Nqarim di cçómkuan di ii sa, ncêe ne dtcòmman koe guu a hòda hãa sa, Moshem di x'áèan komsana ka tamase (3 dim tceem koe).

4 dim tceem koem ko qãè-tcaoan hêé naka tòókuan hêéthêé Nqarim máà nea hãa ka kç'ui.

Ncêes tçgãya sa ko x'ái, Paulom kò kerekes Filipi ne dis ka úúa hãas ncàmkus ka.

Qaa-qaasa kç'uia ne:

- qãè-tcao sa
- ntcoeku sa hêé naka kaikaguku sa hêéthêé e

Tcgāyas q'oo koe hàna zi:

- Tée-cookg'ai sa (1:1-11)
- Paulom hãa cgoa zi qóm zi (1:12-26)
- Krestem khama ma kg'òè (1:27-2:18)
- Paulo ba gha Timoteo ba hěé naka Epaferadito ba hěéthěé tsara tsééa úú (2:19-30)
- Dqàèkuan hěé naka qāè-tcaoan hěéthěé e (3:1-4:9)
- Paulo ba Filipi di ne khòè ne qāè-tcaoa máá (4:10-23)

Tée-cookg'ai sa (1:1-11)

Tsgámkaguku zi

1 ¹Paulo ra a, a Timoteom cgoa hàna, Jeso Krestem di tsam qāa tsam, a tsam a ko *ncēes tcgāya sa* wèè ne khòè ne ncēe Jeso Krestem koe tcom-tcomsa ii ne, ncēe Filipi koe hàna ne góá máá, tc'āà-cookg'ai xu hěé naka hùi-kg'ao xu hěéthěé cgoa, a ko máá:

²Nqarim gatá ka Xòò ba hěé naka X'aigam Jeso Krete ba hěéthěé tsara koe guua hãa cgómkuan hěé naka tòókuan hěéthěé méé i gatu cgoa hãa, témé.

Paulo ba ko dtcòm-kg'ao ne Filipi di ne còrèa máá

³Wèè x'aèan ēer ko tc'ēe-tc'ēese tu u kar ko Nqarim tiri ba qāè-tcaoa máá, ⁴a ra a ko gataga wèè x'aèan ēer ko còrè ka wèéa tu ga qāè-tcaoase còrèa máá, ⁵ēe tu ko tíí cgoa tsééa xg'ae, a Jesom di qāè tchòàn *khóè ne koe úú* ka, tc'āà dim cáím *ēe tu kò dtcòm* koe guu a, a hàà ncēm cáím koe tcāà ka. ⁶*Nqari* ba qāès tséé sa tshoa-tshoàà gatu koe. Ra kaisa tcoman úúa, xg'ara-xg'ara sim gha sa, Jeso Krestem *ko kabise a hààm* cáím ka.

⁷Tcáoá te koe tu hàna khama i qāèa máá tea, ncēetar gha ma wèéa tu tc'ēea máá sa. Wèè tsééan ēe Nqarim kò Gam di cgómkuan koe máá tea tu kò tíí cgoa xg'aea hãa: qáéèa ra kò hãa ka hěé, naka Nqarim di qāè tchòà ner ko tééa máána hãa x'aè ka hěé, naka ēer kò Nqarim di qāè tchòàn tseegu ii sa x'áía hãa ka hěéthěé e. ⁸Nqarim ga ba q'ana khama, tseegua ner ko nxàe sa, ēer kò ko máá: Jeso Krestem dis tcáós koer guu a wèéa tu xgónèa hãa, témé ne.

⁹Ncēea tiri còrè e, gatu dis ncámkus gha kaisase càuse di i, q'āan koe hěé naka qāèse bóòda q'āas koe hěéthěé e, ¹⁰qāè zi gúú zi tu gha nxāasega bóòda tcg'òó, a tu a gha q'ano ii a káà chibi ii ka, me gha nxāakg'aiga síí Krestem dim cáím ba tcāà. ¹¹*Ra ko gataga còrè*, Jeso Krestem koe tu gha guu a tchàno zi tséé zi ka cg'oè-cg'oèe sa, nxāasegam gha Nqari ba x'áàkaguè a dqòmèe ka.

Paulom tč'áró di zi qóm zi (1:12-26)

Krestem ka méé i xгаа-xгааè

¹²Q'ãa tu ghas gúu sar ko tč'ëe, tí qõe ga tuè, ncëe kúrise cgae teas gúu sa qãe tchõan qõðkagua khama. ¹³I hàà ncëeska wèe kòre-kg'aoan x'aigam dim nquum di hëe naka wèe ne khòe ne koe hëéthëe q'ãasea, Krestem domkar qáèèa sa. ¹⁴Tiri qáékua ne ko tí qõea ne kái ne X'aigam **Nqarim** koe hàna ne kúru ne tcoman úú, a **Nqarim dim** kg'ui ba q'áo tamase kg'ui, kgoarasease hëéthëe e.

¹⁵Eëta ne ko ma c'ëe ne Krestem ka ko tauan hëe naka mëékuan hëéthëe cgoa xгаа-xгаа, igaba ne ko c'ëe ne qãe tč'ëean cgoa Gam ka xгаа-xгаа. ¹⁶Ncëe **Gam ka ko qãe tč'ëean cgoa ko xгаа-xгаа** ne ko ncãmkuuan cgoa kúru u, qãe tchõan téea máá dise ra ncëe koe tòòèa hãa sa ne q'ana khama. ¹⁷Igaba ne ko **mëékuan di ne** Krestem ka xгаа-xгаа q'ano-tcáo cgoa tamase, cúia ga ne cgáékaguse kg'oana hãa domka, tiris qáékus koe ne gha qarían cgoa qgóókukagu te ka.

¹⁸Ka ra gha kháe nxãaska nta méé? Eëta ga i wèe qgáian koe ga ii ka, tshúu-ntcõase ga igaba, kana tseeguse ga igaba, i ko Krestem ka xгаа-xгааè. Ra ko ncëes gúus domka qãe-tcao, eè, a ra a gha kg'amaga qanega qãe-tcao. ¹⁹Eè, q'ana raà, gatu di cõrèan ka hëe naka Jeso Krestem dim Tč'ëem di hùian ka hëéthëes gha ncëe kúrise cgae teas gúu sa **tiri** kgoarakuan koe kabise sa. ²⁰**Kreste ba kò** wèe x'aè ka **kaikaguè**, ra ko wèe tcáoa te cgoa ga tcom a ko nqòð, cúí gúu kagar sau-cgaekaguè tite sa, igabagam gha Kreste ba ncëeskaga igaba cgáe-q'ooa te koe kgoarasease kaikaguè, kg'òèa ra ga hãa kana ra ga x'óóa hãa igaba. ²¹Tí ko bóð ka kg'òè sa Kreste Me e, si x'oo sa kabisea mááku si i khama. ²²Ncèe qanegar kò cgàam koe kg'òèa ne, hùigas tséé si i gha ii tí koe, igaba dùú sar gha nxárá tcg'óóa mááse sar c'úúa. ²³Qóms xháes cãm gúu sara dis koer hàna. Tč'ëer ko, x'óór gha a Krestem cgoa síi hãa sa, nxãa sa kaisase qãe si i khama. ²⁴Igaba cgàam koer gha hãa sa ko kaisase qaase gatu domka. ²⁵Tcoms ncëer úúas kar q'ana, gatu cgoar gha hãa sa, a ra a gha wèea tu cgoa qanega hëe, gatu **di dtcòmàn** gha còoka qòð ka, naka gatu di dtcòmàn di qãe-tcaoan hëéthëe e. ²⁶A ncëe gaicarar kò gatu cgoa hàna ne tu gha tíi domka Jeso Kreste ba kaisase dqòm.

Krestem khama ma kg'òè (1:27–2:18)

Krestem koe méé tu kg'òè

²⁷Igaba kaisase ko qaase sa, kg'òèa tu di kg'óòan méé i Krestem di qãe tchõan kg'anoa hãa. Hàà ra ga ko hàà bóð tu u, kana ra ga káà ra a igaba méér kóm,

kg'òè-q'ooa tua qarika cúim tc'ëem koe hàna sa, tu ko gataga qàè tchòàn di dtcòmàn koe cúis tcáós cgoa qarika tséé sa. ²⁸Ra kóm kg'oana, cuiškaga tu ntcoeko ne ka q'aekaguè tite sa. Ncëe sa bóòsekos x'ái si i gane di kaàkaguèàn di sa, igabas gatu di kgoarakuan di si i. Si ncëe sa Nqarim koe guua. ²⁹Cgómkuan tu mààèa hãa khama, Krestem koe tu gha dtcòmòs ka cúí tamase, igaba gataga Gam domka xgàrases ka hëéthhëe e. ³⁰Gatu hëe naka tíí hëéthhëe ta ko cúis ncòo sa x'áà khama. Ncìisegar kò ncëes ncòo sa x'áà, ncëe tu ko ma bóò khama, a ra a ko ncëe tu ko ma kóm khamaga ma qanega ncëeska x'áà si.

Krestem di cg'aré-cg'aresean hëe naka Gam di kaian hëéthhëe e

2 ¹Kreste ba ko ghùì-ghui tcáo tu u. Si ko Gam dis ncàmku sa qgài-qgai tcáo tu u, Tcom-tcomsam Tc'ëe ba ko xg'ae-xg'ae tu u, tu thòò-xama-mááku sa hëe naka cgómku sa hëéthhëe úúa hãa. ²**Ncëe zi gúù zi tu kò úúa hãa** ne méé tu nxãaska tiri qàè-tcaoan kaisakagu, cúíta ma tc'ëean ka, naka tu ncàmku naka cúíta cúíga xám, naka tua cúis tcáo sa úú. ³Táá méé tu cëè di guu, naka bóòse guu, igaba méé tu cg'aré-cg'arese, naka gatu ka c'ëe ne, gatu ka cgáése sèè. ⁴Wëém khòè ba méém táá gam di zi gúù zi cúí zi q'òé guu, igabaga méém c'ëe ne khòè ne di zi gúù zi gataga q'òé.

⁵Gatu dim tc'ëe ba méém Jeso Krestem dim khama ii.

⁶Ncëe xg'ao Nqarim dis iis koe hàna
a Gam cgoa cúí ii ba,
igabam ko Nqarim cgoa tòóa xg'aesean táá qgóóa qari, kúrúm gas gúú sa.

⁷Igabam xg'ao cg'lãa-cg'anasekaguse
a qãàm dis téé-q'oo sa sèè,
a khòèm dis iis koe ábàèa.
Eëm ko khòèàn di iian koe sao-xg'aeè

⁸kam kò cg'aré-cg'arese,
a x'ooan koe ga igaba mààse,
xgàus dis x'oos koe ga igaba.

⁹Gaas gúùs domkam kò Nqari ba kaisase kaikagu Mea,
a ba a wèè zi cg'òè zi ka kaias cg'òè sa màà Mea.

¹⁰Nxãasegam gha wëém qúrù ba Jesom dis cg'òè sa qomà máá ka,
wèè gúúan nqarikg'ai di hëé,
naka nqóómkg'ai di hëé,
naka nqóóm ka nqãaka hãnan hëéthhëe e.

¹¹Nxãasega zi gha wèè zi tam zi gataga nxàe,
Jeso Kreste ba X'aiga Me e sa ka,
Nqarim Xòòm gha x'áàkaguè ka.

Nqóómkg'ai di x'àn khama méé tu x'áà

¹²Ncàm-ncamsa tu tiri tuè, wèè x'aè ka tu kò komsana, èer hàna hãa ka cúí tamase, igaba kaisase kàà ra a x'aè kaga. Ke méé tu ncëeska gatu

di kgoarasean koe tséé, q'ádan hēé naka cgùruan hēéthēé cgoa. ¹³Nqari ba ko gatu koe tséé, tc'ēe tu kos koe hēé naka kúrú tu kos koe hēéthēé e, qāè-tcaokaguèm gha ka.

¹⁴Wèé zi gúú zi méé tu kg'ui-kg'uise tamase kana mēéku tamase kúrú, ¹⁵naka tua gha nxāasega káàn chibi naka q'ano ii, qāè tu cóá tu Nqarim di tu iise, tshúù caus qhàòs hòàra hāas xg'aeku koe. Gane xg'aeku koe méé tu x'áà, nqarikg'ai di tconðan khama ma, ¹⁶kg'òèan dim kg'ui ba qgóóa hāase. Ncēeta tu kò hēé ner gha Krestem dim cáím ka **gatu** ka dqòmse. **X'áí i gha** tiri qgóéan kò kg'amaga di tama sa, i kò qóm tsééan tiri kōès di tama a sa. ¹⁷A ncèè tiri c'ádan kò dàða-máákus dis gúús khama ma ntcāguè ne, ncèe gatu dis dtcòm ko Nqari ba kúrúa máá sa, gatà i kò ii ner gha qāè-tcao, a gha tiri qāè-tcaoan gatu wèé tu cgoa xg'aea máá. ¹⁸Gatu igaba méé tu gatà ma qāè-tcao. Naka tua tíí cgoa gataga qāè-tcao.

Paulo ba gha Timoteo ba hēé naka Epaferadito ba hēéthēé tsara tsééa úú (2:19-30)

¹⁹X'aigam Jesom koer nqòðan úúa hāa, Timoteo bar gha gatu koe qháése tsééa úú di i, nxāasega ra gha ēem ko kabise ne tíí igaba qāè-tcao ka, gatu kam gha hàà bírí te khama. ²⁰Gam khama ii tcáo khòèr úú tama, tseegukaga gha gatu di zi gúú zi tc'ēe-tc'ēese e. ²¹Wèéa ne ga ko gane di zi gúú zi cúí zi qaa khama, Jeso Krestem di zi tamase. ²²Gatu igaba tu q'ana, ntam kò ma gam ka x'áise sa, cóám xòò ba ko tsééa máám khamam kò ma tíí cgoa Nqarim di qāè tchòàn koe tséé. ²³Ra gaa domka nqòðan úúa, gaam ga bar gha tsééa úú di i, ēer kò ko gúú zi ko ma tíí ka qòò sa q'āa ne. ²⁴Ra X'aigam koe tcoman úúa hāa, tíí igabar gha qháése síí sa.

²⁵Igabar kò bóò, kaisase i ko tc'ēese sa, Epaferadito bar gha gatu koe tsééa úú sa, ncèe tíí qōe ba, a tíí khama ma tséé-kg'ao ba, a tíí khama ma ncōo-kg'ao ba, ncèe gatu dim tséé-khoe ba gataga, ncèe tu kò tsééa óá ba, hààm gha ēer ko tcào zi q'óé ka ba. ²⁶Wèéa tu gam xgónèa hāa, a ba a gataga thòò-tcaoa hāa, tsàam ko sa tu kómá hāas gúús domka. ²⁷Tseegukagam kò ko tsàa a ba a kò x'oos qàe koe hāa, Me kò Nqari ba thòò-xama máá me, gaam cúím tamase igabaga tíí ga ra hēéthēé e, nxāasegar gha táá gaia c'ēes tshúù-tcaos tshúús koe hāa ka. ²⁸Ra kò ncèes gúús domka qháése tsééa úú me, nxāasega tu gha ēe tu ko bóò me ne qāè-tcao ka, nakar gha nxāasega gataga tiri tshúù-tcaoan ka kaà cgaeè. ²⁹Ke méé tu kaisas qāè-tcaos cgoa Nqarim koe qāese hààkagu me, naka tua ēeta ii khòèan tcom, ³⁰gam dis kg'òè sam kò cg'àè zi qgài zi koe tcāà, a ba a kò Krestem di tsééan domka x'óó ka hēé, gatu kúrúa máá tea hāa tite tsééan kúrú koe.

Dqàèkuan hěé naka qǎè-tcaoan hěéthěé e (3:1–4:9)

Tseegu di tchànoan ncēe Nqarim koe guua a

3 ¹Còò dis ka, tíí qōe ga tuè, Nqarim koe qǎè-tcao! Cúis gúús ncēer ko góá máá tu u sa xhōekagu te tama, a sa a gha qǎèa máá tu u. ²Q'ōése méé tu haghuan koe, naka q'ōése cg'ǎè cau ne koe, naka q'ōése cgàan ko gád ne khòè ne koe. ³Gatáa tseeguka q'ǎe nqǎa-qgai khòèa ta ta a khama, gatá Nqari ba kò Tcom-tcomsam Tc'ēm koe dqom̄ a Jeso Krestem koe koase ta, a cgàa ba dtcàase tama.

⁴Tíí igabar ga koase. Tíí xòè za ka, ncēè c'ēm khòèm kò cgàan koe dtcàasea hǎa, ner gha tíí igaba kaisa dtcàasean úú: ⁵Q'ǎe nqǎa-qgai khòèa raa 8 dim cáń ka, Iseraele dis qhàòs koer guua, Benjamenem dis qhàòs koe. Heberar tc'áró-tc'aro. **Moshem di** x'ǎèan xùri koe ra Farasai ra a. ⁶Wèè tcáóa te koer kò kerekes cgoa x'ǎàkua. X'ǎèan koe tsi kòò chìbia te qaa ne tsi gha bóò ra chìbi úú tama.

⁷Igabaga wèés gúús ēer ko bóò si ga kabisea máá te sa, nxǎa sar ko kǎa hùì iise bóò Krestem domka. ⁸Eè, tseegukar ko wèè zi gúú zi kǎa hùise sèè, Jeso Krestem tirim X'aiga ba q'ǎa nea gaa zi gúú zi ka kaisase cgǎé e khama. Gaam domkar wèè gúúan aagua, a ra a ko cg'uri khama ma sèè e, nxǎasegar gha Krestem **cúí** ba hòò ka, ⁹a ra a gha Gam koe hànase sao-xg'aeè ka. Nqarim di x'ǎèa ner kò kúrús gúús koer guu a tchàno iise bóòè tama, igabaga Krestem koe dtcòm̄an ka a. Nqarim koe guua tchànoan ga ncēe e, dtcòm̄an di i. ¹⁰Kreste bar q'ǎa kg'oana, tēe-q'ooa ba di qarían ka hěé, naka Gam di xgàrasean ka hěéthěé e. Gam khamar ii kg'oana Gam dis x'ooos koe, ¹¹a ra a gha nxǎasega x'ooan koe tēean hàà sao-xg'ae ka.

Tcg'òó tcúú sa qàròa máá

¹²Sao-xg'ae ta ga ra hǎa, a ra a qanega tc'ǎò tama. Gabagar ko ncēes gúú sa qgóó a qaa, Jeso Kreste ba gaas ka qgóó tea khama. ¹³Tíí qōe ga tuè, qgóóar xg'ara tar méé tama. Igabagar ko cúis gúú sa kúrú. Ncēetar ko méé: kháóka hàna zi gúú zir ko q'aa cgoa, a ra a ko kóé còoka hàna zi gúú zi. ¹⁴Còokar ko qarika kúrú xám̄, tcg'òó tcúúr gha ka. Nqari ba tc'amaka **hǎas kg'òès ncēes koe** tcíia úú tea hǎa Jeso Krestem koe.

¹⁵Gatá ncēe **dtcòm̄an koe** kaia hǎa ta méé ta gatá ma tc'ēe. Igabaga ncēè c'ēes gúús ka tu kò tǎáka zi tc'ēe zi úú hǎa nem gha Nqari ba gaas gúú sa thēé x'ái tu u. ¹⁶Igaba méé ta ēe ta sao-xg'aeam dàòm cgoa cúí ga còoka qòò.

¹⁷Tíí qōe ga tuè, wèè tu méé tu serè te, naka tua khòè ne ēe ko sixae dis x'áís khama ma kg'òè ne xaèa kg'ónò. ¹⁸Kái q'oror ncēes gúú sa bìrì tua, ra ko ncēeska tcgǎí-tshàran cgoa bìrì tu u, a ko máá: kái ne khòè ne hǎa, Krestem dis xgàuku sa hòrea ne, témé. ¹⁹Gane dis chòò-q'oo sa kaàkaguè

si i. Gane dis nqàrì sa ãe tc'áróa ne ko tc'ées gúús ga si i^a. Saucgae di gúúan koe ne ko dqòmse. Nq̄ómkg'ai di gúúan koe i tc'ëea ne tée.
²⁰Igabas gatá dis x'áé sa nqarìkg'ai koe hàna, ncëe Kgoara-kg'aom gatá dim X'aigam Jeso Krete ba ta ko guu a q̄àa koe. ²¹Gabá gha kg'amka tc'áróa ta, Gam dim tc'áróm x'áàkom cgáém khama ma kúrúa k̄abi i. Ncëe gúúa nem gha kúrú, qaria nem úúa wèè gúúa nem gha Gam dòm q'oo koe tòò di i khama.

Tááka zi x'áè-kg'ám zi

4 ¹Ke méé tu ncëeska, ncàm-ncamsa tuè, X'aigam **Nqarim** koe qarika tée! Tíí q̄oe ga tu u, ncàmar hãa a xgónèa tu, q̄àe-tcaokagu te tu ko, a tu a gataga dqòmkuuan dis cábás khamaga ii.

²Odia sa hëé naka Sentuke sa hëéthëé sara ra ko wèè tcáóa te cgoa dtcàrà, a ko máá, méé sara cúí tcáóa sara cgoa X'aigam **Nqarim** koe x'áè, témé. ³Eè, tsáá igaba ra ko dtcàrà tsi, tcom-tcomsa tsi joko xgàm-kg'ao tsi, khòè sara ãe sara hùì, q̄àe tchòàn **Nqarim di** koe sara tíí cgoa tsééa hãa, Kelemente ba hëé, naka c'ëe ne tséé-kg'ao ne hëéthëé e, ncëe gane di cg'òèan tcgāyas kg'òèan dis koe hàna ne.

⁴Wèè x'áè ka méé tu X'aigam koe q̄àe-tcao. Gaiar ko ncëeta méé: q̄àe-tcao tu! ⁵Gatu di q̄àe cauan méé i wèè ne khòè ne koe q'áaè. X'aigam **Nqari** ba cúù Me e ke. ⁶Táá méé tu cúí gúù kaga káise tc'ëe-tc'ëese guu, igaba méé tu wèès gúús koe gatu di dtcàrà kúrú nakam Nqari ba q'áa a, còrèan koe hëé naka dtcàrà koe hëéthëé e, q̄àe-tcaoa-máákuuan cgoa. ⁷I gha kómá q'áan ka tc'amaka hãa tòòkuuan Nqarim di, tcáóa tu hëé naka tc'ëea tu hëéthëé Jeso Krestem koe kòre.

⁸Còò dis ka, tíí q̄oe ga tuè: tc'ëea tu méé tu cg'òè-cg'oe q̄àe zi gúù zi hëé naka dqòmkuuan kg'anoa hãa zi gúù zi hëéthëé cgoa: wèè zi gúù zi tseegu di zi hëé, naka wèè zi dqòmme ko zi gúù zi hëé, naka wèè zi tchàno zi gúù zi hëé, naka wèè zi gúù zi q'ano zi hëé, naka wèè zi ncàm-ncamsa zi gúù zi hëé, naka wèè zi gúù zi q̄àe zi iise ko nxàèe zi hëéthëé cgoa. ⁹Tíí koe tu xgaa-xgasea zi gúù zi hëé, a gataga mààèa zi gúù zi hëé, a tu a gataga kómá zi hëé, a tíí koe bóòda zi hëéthëé méé tu tséékagu, nxàaskam gha tòòkuuan dim Nqari ba hãa cgoa tu u.

Paulo ba Filipi di ne khòè ne q̄àe-tcaoa máá (4:10-23)

¹⁰Kaisaser ko Nqarim koe q̄àe-tcao, tíí ka tu gha tc'ëe-tc'ëese di x'aèan tu gaia hòòda khama. Kg'aiga tu kò tc'ëe-tc'ëese te, igaba tu ko x'aèan úú tama. ¹¹Ncëes gúù sar ko méé kar máá, qaar kos gúù si i témé tama. Wèès

a 3:19 ãe tc'áróa ne ko tc'ées gúú si i - Gerika sa ko máá: “gane dis ncàa sa,” témé.

téé-q'oos ēer hāas koer gha qāè-tcaoa hāa sar xгаа-xgaasea hāa khama. ¹²Tòó dibiku sar q'ana hāa; a ra a gataga tòó ghùiku sa q'ana hāa. Ncēes kàa sar xгаа-xgaasea: wèè qgái hēé naka wèè x'aè hēé kar gha qāè-tcaoka. Xg'āà ra ga hāa kana xàbà ra ga hāa igaba, q'òda ra ga hāa kana ra ga káà gúù ra a igaba. ¹³Wèè zi gúù zir gha ēe ko qari-qari tem cgoa kgoana. ¹⁴Eēta i ii igabaga tu qāese hēéa, a kò tí cgoa xg'aea máána, qgóóar kò hāa qómá ne. ¹⁵Gatu igaba tu q'ana, gatu Filipi tu, qāè tchōàn kò tc'āà a gatu koe hàà x'aè ka, Maketonia koer ko tcg'oa, kas kò cúis kerekes ga sa káà si i, tí cgoa ko tòókua sa aban marian di ka kò hùì te sa, gatu ka oose. ¹⁶Tesalonika koe igaba tu xg'ao ēer tcàoa hāa koe hùian úúa máá te, x'aèan ko ma ntcōóa xùriku khama. ¹⁷Aba ner ko qaas tama si i, igabar ko tc'ēe, khòè ne gha kaisase koa tu u sa, qāè tsééan ncēe tu kúrúá hāa kái domka. ¹⁸Wèè aban ēe tu kò Epaferoditom cgoa tsééa máá tea hāa ra hòda, i kaisase tc'āò tea, a tc'āda nqáéa. Dàda-máákus **Nqarim dis** qāè hñmñ xg'āòs **khama zi xám**, ncēe Nqarim koe ko qaase sa, Nqari ba ko qāè-tcaokagu sa. ¹⁹Igabagam gha tirim Nqarim, ncēe qguúa hāa ba, Gam di x'aian koe guu a wèes gúùs ēe tu tcàoa hāa sa máà tu u, Jeso Krestem koe. ²⁰Gatá dim Nqarim Xòò ba méém chòò tamase dqm̀m̀m̀! Amen.

Còo di zi tsgám̀kaguku zi

²¹Tsgám̀kagu wèém Jeso Krestem koe tcom-tcomsa ba. Tí qōe ga ne tí cgoa hàna nea ko tsgám̀kagu tu u. ²²Wèè ne tcom-tcomsa ne khòè nea ko tsgám̀kagu tu u, **Roma ne dim x'aigam** Kaesaram dim nquum di ne tc'áró ga.

²³X'aigam Jeso Krestem di cgóm̀kuan méé i gatu di tc'ēean cgoa hāa.